

然雖視我兵戀輜重有生之志無死之心其便可擊而甘
受中輟之名失此良會若輩真有胸無心者矣高起潛云
半渡而擊欲免下自免猾闇之習其後而三尺法嘗行于
制閫終不及搃監亦何以令閫作其氣哉夫建下日強外
昨歲全收揅部更無西顧之虞且資其衆日見雄長聞揅
部全收建下大悅置酒高會語其下曰南朝君驕而臣諂
兵弱而民窮也無日矣噫堂下中國為建下所逆料如此
而當事漫不加意前失于坐視揅部不為籠馭今失于惰
歸令彼狃為坦道也邊事積窳欲毋以國與敵可勝歎哉

建下 犯遼東西河

尉氏縣寇敗走開封左良玉擊卻之

癸卯督師張鳳翼卒于行營或曰懼罪飲藥也

甲辰史塗為右通政凌義渠為兵科都給事中

諭慰賑難婦

建下 攻朝鮮

登萊搃兵官沈冬魁登島搃兵官陳洪範進師耀州北岬時


建下 侵朝鮮故

戊申予故 余應元祭塋

國權

崇禎九年

五十五



已酉進盧象升為兵部左侍郎提督各鎮援兵賜尚方劍
庚戌建數千騎攻山海關之一片石紅山溝山永巡撫馮
任禦卻之

癸丑余瑛為順天府丞


錦衣衛指揮僉事許夢麟奸女論死

丁巳 上諭兵部曰今年飽颺計來年復逞練兵買馬制器
脩邊刻不容緩連多年故帑匱民困令兵部司官借武清侯
李誠銘四十萬金發閩寧治備借駙馬都尉王昺萬煇再興
讓各十萬金發大同西寧令工部借太監田詔十萬金治甲

曹借魏學顏五萬金治營舖俟事平帑裕償之如尚義樂助
從優獎叙

庚申司禮太監孫象賢調南京張勳憲守備

辛酉提督宣大梁廷棟巡撫宣府張鵬雲並免廷棟尋卒後
刑部論辟廷棟字無它河南鄆陵人萬歷己未進士授南兵
部主事陞西寧兵備僉事留心邊務喜設兵轉山東濟南副
使值魏忠賢建祠不署名而歸後起備兵山東沂州尋調閩
內道同督師袁崇煥本兵王洽職方余大成教諭多事庚午
巡撫順天召對稱旨越一二旬拜兵部尚書總各路援兵剿



禦又三日命回部調度有功以何罷去乙亥冬起今官

壬戌寇至登封

癸亥盧象升總督宣大山西軍務吳阿衡為右僉都御史整

飭薊州邊備兼巡撫順天

甲子寇復至尉氏縣

丙寅張天禮為署都督僉事總兵官鎮守永平霸州

寇至河南汝州禹州

戊辰前浙江提學副使黎元寬下臺訊

故 葉濟眾贈太僕少卿

己巳順天始鄉試主考

黃景昉

閔仲儼十月榜出

一百二十四人例應一百五十五人時真定保定永平之士
被警不至

王家楨仍以兵部左侍郎巡撫河南總理直隸湖廣四川山

西陝西軍務張福臻仍以兵部右侍郎總理薊遼保定

徐鑛范復粹為大理左右寺丞


辛未 皇五子慈煥生皇貴妃田氏出

十月壬申朔禮科給事中馮元飈言臣待罪禮科與聞掌故每
見鉅重諸務類多廢弛習為固然莫之省究如謚法五年一

國權

崇禎九年

五十七



舉今或再訪而無一報歷法終古不易今或持各是而滋大
疑積怠成荒已難枚舉至若實錄則萬世是非之衡亦一時
勸懲所持也歷朝以來雖御世長久蹟繁重寔錄之成無踰
數年今熹廟七載書不過八十餘年卷翰林有起居之職
六朝有章奏之抄內閣有票擬之籍纂輯磨對豈待九年何
狗何疑坐成廢閣此固非一政一事之盡惰也伏乞 皇上
毅然獨斷即勅所司將實錄實訓立行竣役如實訓頒而是
非不公許廷臣糾正按治如法 上是之

設選曰 熹宗才七載江陵時限纂修官一人每月竣一
年則 熹廟錄七載在一人計月可就而纂脩彌衆遭延
彌久前閣臣不當率勵之乎修文如此推之他事日玩月
愒政所謂泄沓也


癸酉禮部右侍郎傅冠上言四事保元氣辨才品正綱紀信
詔令報聞

甲戌提督京營張國元兼理巡捕

乙亥巡視太倉戶科給事中韓源御史林棟隆奏論浙江左


布政姚永濟志存囊橐解銀短惡宜賜處分從之 使

丙子內庫胖襖不堪凡四千四百二十餘件責司收者




前工部右侍郎劉宗周上言。臣出閣門至天津。始知胡騎入
犯陵園。破昌平而南。臣因病臥津城月餘。回瞻天表。愈增馳
戀。自己已以來。無日不綢繆未雨而禍一至于此。近原禍始。
張鳳翼小有才而器識不足。久溺中樞。一旦胡驅闖入。偵探
無聞。調援不速。動成束手。行間之任。蓋非其人可知矣。朝廷
又從而嘗縱試之。卒至于敗事。不聞政府有主持。兵垣有封
駁。則當事諸臣有不得辭責者。臣以為非一朝一夕之故也。
往者已已之變。袁崇煥誤國。其他不過為法受過耳。小人競
起而脩門戶之怨。舉朝士之異已者。繫坐煥黨。日造蜚語。次

第寘之典重。或削籍去。自此小人進而君子退。中官用事。而
外廷浸疎。又朝政日隳。邊政日壞。文法日壞。欺罔日甚。今日
之禍。寘已已以來釀成之也。且以張鳳翼之溺職中樞也。而
俾之專征。何以服王洽之死。以丁魁楚之失事于邊也。而責
之戴罪。何以服劉策之死。諸鎮勤王之師。爭先入衛者。凡人
不聞以逗留蒙詰責。何以服耿如杞之死。今且以二州八縣
之生靈。結一飽颺之局。則廷臣之繫。若。可幸無罪者。又
何以謝韓鏞張鳳翔李邦華諸臣之或戍或去。豈昔之一一
為異已驅除者。今不難以同已互相容隱乎。臣于是知小人



之禍人國無已時也。我皇上聰明不世出之主，賢奸何有不燭，然頻年以來，皇上惡私交，而臣下多以告訐進。皇上錄清節，而臣下多以曲謹容。皇上崇勵精，而臣下奔走承順，以為恭。皇上尚綜覈，而臣下瑣屑吹求，以示察。窺其用心，無往不出于身家利祿。皇上不察而用之，則聚天下之小人立于朝，有所不覺矣。人才之不競也，非無才之患，而無君子之患也。人不知身家，不知有君父，知利祿，不知有廉耻，相率為全軀保妻子之計。今日國事之所以敗也，今天下即稱乏才，何亦至盡出一二中官下。每當緩急之際，必依


以大任，此在前日已成覆轍，方更絃之不服，乃三協有遣，通津臨德有遣，又重其體統，等于提督。中官提督將置提督于何地，提督無權將置撫按于何地，是以封疆嘗試也。且小人与中官每相引重，而君子獨岸然自異，故自古有用小人之君子，終無黨比中官之君子。皇上誠欲進君子退小人，而復用中官以叅制之，明示以左右袒也。是時有起而爭之，則天下之昌言，御史金光辰竟以此逐，若惟恐傷中官之心者，猶非所以示天下也。至于近日刑政最舛，成德傲吏也，而以贖成，何以肅懲貪之令，申紹芳十餘年監司也，而以莫須有



之鑽刺成何以昭抑競之典鄭鄭久干鄉議而杖母之獄或以誣告坐何以示敦倫之化此數事者皆為政府文震益引繩批根即向者驅除異己之故智廷臣無敢言皇上亦無從而知之也嗚呼八年之中誰秉國成而至于此臣不能為首揆溫體仁解矣仰惟皇上念亂圖存首以退小人進君子挽回世道于是植人才以資幹濟開言路以斷大猷仍急罷三協通津之使責成中外諸臣各脩職業不再以人國為僥倖體仁所為桑榆之收庶几在此不然徒出苟且由今之道無變今之俗一日戒心叵測捲土重來天下事尚忍言哉

疏入上大怒斥為民

丁丑省祭餘姚言三塗兼用薦舉賢能城府未化不及吏民其舉進士舉貢監儒或陰行起廢之局或適合應得之官或信其負才上進不肯輕就或諒其年邁龍鍾不久任事或意其孤介好閑不願爵祿舉十而應之必無二三以此塞責即卸責之術也六曹之事與天下相表裡今諸臣畏禍以當事為攢眉謝事為倖免民之好亂催科擾之耳兵興以來勢必加派今畏降級罰俸之及明示吏民曰自要官顧不得爾輩于是不責納戶專責糧長更有錢糧已赦乘急追迫皆



有司之過也。國家養兵日多，用兵日少，士著既不能立功而
援兵之害甚于流寇，誅之不可勝誅，不誅則驕悍風成，何以
輯之。臣謂兵繫之將，憑之律，非一時可辦也。
戊寅禁文武輿蓋器室之僭
大學士錢龍錫，字稚文，華亭人。萬曆丁未進士，授編
修。歷南吏部右侍郎。天啟中，忤璫削籍。崇禎初，進禮部尚書，
兼東閣大學士。己巳二月，皇長子恩進太子，太保文淵閣
大學士。二月罷。庚午八月，被逮，以袁崇煥同謀殺毛文龍也。
法司論辟中允黃道周疏救。辛未五月，戍于定海衛。

己卯御史萬之翰謫福建按察使，照磨

辛巳劉承祚為右僉都御史，巡撫宣府

進溫體仁少師中極殿大學士，詹中書舍人張至發、孔貞運


賀逢聖、黃士俊俱太子太保，文淵閣大學士，詹監

議再徵房號及諸生優免銀一年，并增漕糧折價

壬午巡按山西御史張孫振劾山西提學僉事袁繼咸、萬憲
婪贓命逮之。先九月巡撫吳甦及孫振合薦，請特加優擢，以

重學政下吏禮二部察覆，尋見劾。上併詰甦之薦，繼咸守

官奉功，令生平卷裘外無長物。孫振貪險，誣劾人為切齒。



癸未屈可伸為祭酒

宣城伯衛時春為署後軍都督府僉書王揚德為南京後軍都督府僉書仍兼提督神机營劉永灝為錦衣衛南鎮撫司僉書


楊國柱為鎮朔將軍署都督僉事總兵官鎮守寧夏

甲申諭中外脩職繕脩

起守制楊嗣昌為兵部尚書改姜曰廣吏部右侍郎

兵科給事中宋權言銓政之弊僅舉邊道邊撫言之進士乙榜但論才幹不論資格聖諭虛、不啻再三今大同道關內

道昌平道尚嵐道陝西之商雒道漢羌道隴州道隴右之守巡二道皆乙榜也河西道則貢生榆林之靖邊道寧夏之河東道甘肅之莊浪道西寧道皆乙榜也而內地安富之處有乙榜分司者乎如進士長才何置于閑地如乙榜才短何投于劇區臣非謂乙榜皆不堪邊道而所以用乙榜者非用其才也用以代進士耳至內外輕重之懸殊則又異矣歷叙諸巡撫遼東外官也山海外官也宣府大同外官也寧夏甘肅延綏登萊俱外官也如外官望輕何置于衝地如京官重望何逸于中權臣非謂外官皆不堪邊撫而所以用外官者非



用其才也用之以代京卿耳其餘守令九水旱盜賊之處錢糧難完城郭不固之處進士不受也即間有一二賢者除授其間數月後撫按又奏調善地曾有撫按題一甲科于兵凶戰危之地者哉

寇陷湖北襄城縣

丁亥大風累夕

增鳳陽兵二千人護陵

辛卯前提督薊遼丁魁楚下刑部

予故 王陞祭葬

上諭禮部凡王府郡主縣主生子許長史教授查明部給以

衣冠毋襲

西寧侯宋 為後軍都督府僉書

叙官兵出塞功賜總兵王朴巡撫葉廷桂金幣餘各有差

甲午賜閣臣及太監曹化淳李承芳卞希孔張國元王之心

綵幣時各進馬

故 龔允祥贈國子助教故 姚允恭贈國子學錄


許折內庫米絹一年


故 張廷拱贈右副都御史

國權

崇禎九年

左四





丙申故

陸問禮贈兵部右侍郎廕監

予故四川重慶知府楊呈秀祭葬

華陰人以家居墓鄉

兵禦盜見殺

金吾右衛正千戶韓伯孝請開採銅礦于平陽西安鳳翔臨

洮鞏昌懷慶河南時命採銅鉄鉛銀等礦

戊戌大同提兵官李國標山海關提兵官張時傑三屯營提

兵官楊嘉謨及提督宣府昌平兵部左侍郎張維世俱免官

下刑部奪祖大壽提督董用文太子少保俱降任如故羅英

垣頗重耀劉忠王定陳洪範俱免巡按御史潘倬林銘球下

部院議處

侯拱極為鎮朔將軍署都督僉事提兵官鎮守山海關

十二月辛丑朔上南郊告廟

罷山東巡撫李懋芳

吏部以驗封司員外郎方煇調考功司上謂方煇陸駉

封才一月即調不許

壬寅起章正宸戶科給事中

甲辰浙江溫台道叅政薛邦瑞免先一月部兵索餉而譁邦

瑞踰垣遁

國權

崇禎九年

五十五


乙巳太常少卿顏繼祖為右僉都御史巡撫山東繼祖到任以前撫李懋芳送印遲計奏懋芳侵香稅七千金命逮之時喪母扶柩至杭州受逮論成

丙午叙京師城守功提督京營成國公朱純臣廕錦衣衛指揮僉事協理京營兵部尚書陸完學進太子太保廕正千戶太監張國元曹化淳廕指揮僉事各世襲賜金幣襄城伯李守錡復太子太師兵部左侍郎王業浩兼右都御史餘文武大臣內負陞賚有差初曹化淳提督京營收用夷漢丁凡城外胡騎皆稱京營夷丁而所收夷丁已叛于昌平悉隨建去矣

王國臣為征蠻將軍署都督僉事提兵守鎮守廣西朱國勳為署都督僉事提兵官鎮守福建

屬夷卜石鬼部投建下又請馬市仍守邊命譯人嚴諭之許自効

提督盧象升上言建下之強也先併金台白失羊骨次併三十六家併吉囊併棟漢近復併朝鮮東自鴨綠西至賀蘭塞外山河皆藉其版今日所存惟哈喇慎與卜石鬼耳哈喇慎利中國之利故未與合目中無卜卜又以先俺答四十年恭



慎懷中國之舊竊處豐灘無事資其耳目有警藉其聲援伐
謀伐交用奇用間糜教羈哈同一机括我既就近易馬而哈
即以重價易貨馬與貨俱未嘗出邊利亦不少若建下絕哈
則宣鎮頻年中建下未聞哈為之導何自斬左臂為 上是
之後頗獲馬利。

辛亥前右春坊右庶子丁進削籍

蠲山東五年前逋租

壬子總督宣大盧象升奏沿邊監司陞轉太驟請責成久任
從之


甲寅兵科給事中張第元言總督薊遼張福臻提督昌平張
元佐以修邊疏爭令戰守之事宜責薊遼修築併戰守事專
責昌平從之

丙辰山西提學僉事袁繼咸下獄

己未叙禁旅功太監劉元斌廢錦衣衛百戶

庚申山東道御史張肯堂言士人應試兼經不便今後有作
五經止作本經從之

辛酉楚府岳陽王蘊鋤奏十策邊臣不宜數更從成以興邊
屯除 以示招徠復都護成邊官屯政宜官赦免宜災重



監軍以一將權私刊宜禁以一文體理財宜省冗負有日唐
虞官百夏官倍之周官三百六十而天下理唐太宗定制六
百四十三員曰吾以此待天下賢才足矣末季遂增至一萬
八千八百餘以今日較之文武不下十餘萬如金陵雖屬重
地今國家定鼎燕京則設官豈宜重複惟列五府操江等官
彈壓足辦何為多設冗負哉

壬戌唐盧象升不朝

御馬太監陳貴提監大同山西牛文炳分守御馬太監王夢
弼分守宣府昌平鄭良輔協理

外戚新樂伯劉文炳進侯

命吏部指奏數年銓政大弊

承天府同知王燮加兩浙鹽運司使


癸卯召兵部左侍郎王業浩司禮太監曹化淳于平臺

已巳叙先年守黔功故巡撫李標巡按史永安各加一級賜

金三十故按察使僉事劉錫玄申在廷等賜予有差故提督

王三善加贈太子少保立祠

庚午左都御史唐世濟下獄世濟以邊才薦故兵部尚書霍
維華上謂逆案概不舉用世濟欺蒙削籍下刑部明年正




月維華成沒

設遷曰張捷之薦呂純如其鑒不遠唐氏又繼之非果窮
于借才也逆案昭々等于夏鼎圖列魑魅何枉之有其才
亦不過察稅之需而嘗試先後不一其人俱黃鼓天聽妄
冀翩覆至以邊才薦尤巧以持說貪詐作使投之鎖鑰借
我干城脫彼檣柁于國法若不甚悖大臣持憲身亦偏黨
明為建鼓之招是誠何心哉

廢唐王聿鍵為庶人聿鍵年少喜事好接賓客蘇州人錢某
儉人也導其狂悖動引祖訓鉗制守臣亦狗之益驕蹇聞

警擅兵入衛沿途騷擾前又殺其兩叔王
聞之不憚堅是密勅撫按安置鳳陽高牆旨曰一日殺二郡
王滅絕人倫背違祖訓莫此為甚

楊士聰曰 上由信邸承統故留意宗人修復掌故要之
當國初親近無煩申飭其禮自隆若近來宗姓即 二祖
而在亦不能因仍其舊昔人言祖宗親盡猶且當祀况于
宗室嗚呼此至言也宗藩儀節之議始于唐王上疏向不
議儀節二郡王萬不至被殺亦無從而禁錮高牆矣雖云
雖曰愛之其實害之 上而不愛宗藩則已柰何愛而貽




害其哉

十二月辛未朔吏部覆銓政積弊有旨爾部專司用人推舉不效何以辭責乃反稱綱目太密使中外束手殊屬挾飾又平時陞轉必優京卿甲科及奉旨查奏稱未必勝外官乙榜如此游移豈大臣寔心為國之道乎諭禮部今後太廟告辭回宮毋奏樂壬申曹化雨加後軍都督府左都督世襲錦衣衛指揮僉事祁陽王禔汴道臣陳睿謨張天麟推官李春泰等六人吏部


員外郎周廷鑑言不可啟倖從之薦

癸酉戶部尚書侯恂免先是郎中倪嘉慶坐累恂為代辦又三月即發豈價戶科給事中荆祚永劾之恂嘗議屯田曰從來屯田之利人言之大槩不過在腹裡則屯田少而影射多宜用清察在塞下則屯田多而耕種少宜用開墾所患者惟無寔心任事之臣徂因循則疑紛更之為擾獵捷效則厭蓄艾之為遲坐使自然之利棄而不收甚可惜也臣謹廣詢衆論參攷故寔諸如官屯軍屯民屯商屯以人異也腹屯邊屯以地異也條分縷析期于明便可行策計見效別著




開墾事宜而以考課信任終之曰官屯。攷永樂初令一都司另撥旗軍十一名耕種。號曰樣田。蓋欲據所收子粒多寡以別歲之豐凶。地之肥瘠。軍之勤惰。初未嘗以田與官也。隆慶二年。將宣大屯田開墾成業。每十頃內給軍官五十畝為養廉之資。而又令各自種。若副將不及百頃者。守備以下不及十頃者。叅論戒飭。其立法初意。豈不期將領偏裨等官。督率家丁。克勤稼穡。為士卒倡哉。今則強役部曲。占收子粒。至如宣大山。西諸鎮。聞帥恣其鯨吞矣。延寧甘固諸鎮。廢秩恣其蚕食矣。肥區歸已。而以瘠磽者移之軍士。久則篡易厥緒。而

糧殊不均。糧不均。于是不得不寄甲于勢要。而欺隱遂多。欺隱多。于是不得不攤稅于細軍。而包賠更苦。流病相仍。非朝伊夕。人鮮樂生。野多曠土。職此之由。似宜稍為限置。搃兵受田不得過二百畝。副搃兵不得過一百畝。五十畝。叅游都司不得過百畝。坐營守備不得過七十畝。俱督率家丁耕種。餘令退歸屯田數內。給軍領種。照則徵科。敢限外多占一畝。擅撥一軍。即以贖論。而又通計所部墾田多寡。以為殿最。果勞來有方。副叅至百頃。游擊都司至五十頃。坐營守備至三十頃。千把等官至十頃。聽撫按覈實。舉薦敘陞。若副叅不及二




十頃都司游擊不及十頃坐營守備以下不及五頃者聽該道報部叅罰敢冒無作有數荒為暴熟該管轄者并治之令毋惟行國初原額庶可復也曰軍屯軍政之壞無如今日籍無用之人限蠹有用之粟而軍之外又別輸民以養兵是苦首也兵與農為二今也農與兵與軍為三矣宋朱熹言恤民之寔在省賦省賦之寔在治軍誠練則得一軍可省一兵省一兵便贏一餉推而上之所贏者不貲而或者曰軍不可調也戍守不可使虛也臣庸將有以待之初制每衛所軍士以三分守城七分屯種又有二八四六一九中半等制皆以土

田肥瘠地方衝緩為差而今項種者無以異于民佃享軍之產無軍之差夫其意已甚至軍田民種則不獨軍其軍且凡屯無其屯夫典賣之禁故在也還官之條非不炳如也然相沿已久將繫引律以從事彼不聞然群歸阻撓則計出于冒名詭託已耳所宜令各衛所止論軍民舍餘雜色但種軍屯即應軍使其一軍之屯而衆佃者則朋出一丁務于農隙之時分番操練遇警則城探之軍不妨調發而即以屯軍代之戍守合天下屯田共六十四萬三千餘頃各處屯軍受田則例多寡不一折中推筭當不下一百二十餘萬人有此一




百二十餘萬人之數以備戍守便可于城操軍內挑出一百二十餘萬人之數以資調發不煩召募不增餽餉而緩急俱有所恃誠國家無形之巨利也其或民戶慮一受田則世業軍累許其吐出還官別召軍餘頂種後此盜典盜賣之弊亦將不禁而自絕矣曰屯田景泰時邊臣言沿邊關營城屯附近間土甚多將關營軍士二分守關一分屯種守城軍士一分操練一分屯種近惟天津海防營令兩兵共一屯一耕一戰深為得法今宜倣其例並邊空地之可墾者于新舊尺籍內姑以一分負耒耜而留其二分任防守如有客兵則以客

兵防守以主兵耕其無客兵則壯者防守不任戰者耕每三人共一屯每一屯定三十畝則其所收穫則均分焉農具牛種力不贍者量許于餉銀節內借支有秋之後照時估取償如數而止脫遇不測燒穀入保亦不過與生而不耕等耳至所耕之田給為永業俟二年後起科蓋但求積粟之多則士飽馬壯戰守有藉而邊境之上桑麻遍野穀價必平召買既賤運費亦省公私兩利無過此者曰民屯畿輔棄田甚廣津涿水利已窮即並邊膏腴亦不乏又如淮鳳之區齊魯之域阡陌相連灌莽弥望山陝等處游經兵焚散而四方州里



蕭條田土蕪廢謂宜令所在有司加意招徠鼓舞開墾條額
內者俟三年後起科額外俟五年後起科起科分數雖上中
之田止照下田例其農器牛具亦當量行借勸使其興作秋
成之後逐漸補還王者以天下為家苟利于民自不宜惜小
費况費于帑而終償于田乎試下令曰能闢五百畝者予秩
視百戶能闢千畝者予秩視千戶能闢二千畝者予秩視指
揮僉事等而上之進秩有差俟三年後以上中下則均美照
中則起科其在邊地者仍照下則起科幹止既定必許其占
籍占長子孫得以三塗進又疑土著之民不能相容則另立


額若是而民之赴者十七八矣是之謂利導又令邊腹有司
盡報其所部荒田可墾田者兩直報各道各省報布政司近
限三月內遠限六月內如荒隱匿不報聽撫按察奏以不職
論而獨慮成熟之後或妄認世產希圖吞霸者則惟當開墾
時即與改名為屯給帖承掌俾此疆彼界瞭然難混雖有新
軍補役逃戶復業亦不受大賞農墾地狹則吏受重罰者尤
今日所當講求也曰商屯國初邊地通商中益令賈人輸粟
邊郡官給之引赴鹽所領鹽轉鬻永樂時粟二斗五升得鹽
一引商各募眾督耕邊地盡墾時軍餉就其地足給無所謂



大倉年例閭左自正供外亦無他財賦蒸庶樂業弘時中令
納銀運司解部商各散歸營貲而故所墾田盡廢即積錢如
山金如土而米無從出鹽課不足給食又塞上尺籍日增至
傾左藏以贍之加之遼事起民賦愈重而東南民竭矣嘉靖
中仍復祖制然不過僉報土著及積攬之人行官引壅滯倉
引莫售勢不得不減價投于國戶資空本歷商皆逃徙今請
于沿邊荒田察有可墾者每商量給百畝或五十畝填印帖
永不起科及米豈赴倉之日惟酌時通鹽法始必禁私販于
產鹽之地以清其源銷壅引于行鹽之區以導其流而又嚴


腹屯南邊所

掣驗杜浮課旁溢若是則引鹽無滯引鹽無滯則倉鈔速售
商有不負耒耜而樂趨塞下者法壞極矣大抵膏腴之區貧
併于巨室隣界之處侵奪于豪強然政府之籍尚可稽也請
令各直督屯按臣道臣細將魚鱗老冊與屯田戶由勘對頃
畝條段務取相符備開見墾者若干荒隱者若干應否召佃
開除各道能清出隱地百頃以上糧三百以上臣部特為紀
錄否則叅罰三年朝覲令投冊臣部十年改造仍當冊報于
後湖由是出隱占之浮者而均之據原額之墾者而種之按
冊索屯按屯索丁丁即為軍屯即為餉從前私買私賣為侵




為匿之罪咸與赦除蕩然與人更始萬無不濟曰邊屯邊塞
之卒必先無擾田之害然後收耕田之利益蓋邊政久弛墩軍
斥堠多虛應故事不肖武弁或賣閑或私役或扣其月糧致
尺籍半虛逃亡相繼敵入而烽不舉即有收穫徒費盜糧此
耕種之所以寥々也宜責成督撫各道將見在墩軍察補闕
額易老弱墩必五軍々必有家臺之地者修之井之涸者浚
之墩旁閑地任其開墾不許營弁私科敢有賣閑占役以老
弱濫充及扣尅月糧者察訪糾劾重寘之法庶斥堠明而人
心有所恃不憂戎馬之侵軼也曰墾種其道有三用水因土

俵牛用水之法或濬川或疏渠或引流或設壩或建閘或設
擺其規制在故輔臣徐光啟疏中今北方之地皆可作水田
所以廢置不講者以水田自犁地浸種插秧藉草灌水無一
息得暇逸而北人習懶故也自遼海以及青徐有海之饒而
鮮潮之患至若中州之地或低窪則圍田之法可行也山東
之地半瓦礫則疊耕之制可議也瀕海之地多滷鹹則支河
之說可採也濱湖之地每沮洳則芍陂之跡可求也濬河以
受溝之水開溝渠以受橫潦之時水歸溝塘亢旱之日可資
灌溉高者麥低者稻平行地多則木棉桑柘皆得隨宜樹藝



土成膏腴地無遺利矣。何謂因土。今制給軍皆以稻。而永樂三年定歲收屯田子粒則例。每粟穀糜黍大麥蕎麥各二石。稻穀芻秣各二石五斗。稌稗各三石。並各准米一石。小麥芝麻與米同。今新田已論梁菽蕒芋蔬菜之類。審從其便。惟意所適。不必規。種稻。又如邊地果稱不毛。即種樹亦可。蘇秦有言。燕雖不田作。而粟粟之實足富于民。程琳植雜木數萬。曰。異時樓櫓具。可不出于民。皆此意也。摠期于盡地力而已。何謂俵牛。攷洪武時。給天下屯牛共二十五萬五千六百四十六隻。仍歲課孳生數目登報。弘治中。猶存八萬二千九百

四十三隻。至萬曆中。據冊猶存屯牛五萬三千四百六十四隻。除遼東都司五千一百三十一隻。今則亡矣。餘各省衛共四萬八千三十三隻。宜令曰。國初領官牛耕屯。原隨田交割。姑依近額。悉退出還官。或錄其牛。或徵其價。倣宋制。每一夫給牛一頭。治田五十畝。約可墾新田二百四十餘萬畝。俟田已成。遠限五年。近限三年。悉令還官。又足以給後之新墾者。誠救時便計也。曰考課。昔劉定有之言。優游城市而足不歷溝塍。馮信簿書而目不按廩實。此兩者屯官之大戒也。臣請于常罰外。武職敢有勒占文職如市恩。兇折者。按臣必奏治



不少貸曰信任前代人能舉其法故治近代人多翫其法故弊累朝以來或遣部院大臣或遣風力御史領勅察屯領銀種屯計供給科求之費何啻百千求耕獲蓄畜之功竟無尺寸則無如專責之督屯監司較為便易若夫興草所宜自任其間籌之必確尤須假以事權聽其規畫乃臣更有所慮者欲行法不得不任怨既任怨不能不任謗今夫屯田之失額也弊由侵占與隱匿二端耳而為此者有大力焉權貴也豪右也武弁也稍懸三尺法以程之伺隙中傷蜚語潛構禍且不測是必廟堂之上毋聽熒銷骨隳任事之心毋驟樹數移

開謔卸之路不然誰肯引以為已任哉

司禮太監張其蘊調南京孝陵神宮監

乙亥命順天尹祈雨

丁丑吳士元為禮部左侍郎朱繼祚方逢年為右侍郎張四


知王鐸為詹事府起楊世芳左春坊

中書舍人黃太玄主考陝西加中宗生二人未奏以踰額自

擅議罰

戊寅許世蓋徐鑛為大理左右少卿

乙酉魯王壽鉉薨謚曰憲子命弟泰興王壽鏞攝府事



丁亥南司禮太監張雲漢同孫象賢守備

戊子兵部右侍郎吳光義罷

調浙江兵三千人護泗州陵

辛卯總兵保定董用文免

癸巳暹羅入貢

李建泰直日講

乙未叙先年四川夔州功賜總督朱燮元金幣餘各有差

丙申鎮守昌平兵部右侍郎張元佐免

丁酉召廷臣于平臺時建十五萬騎侵朝鮮皆西虜及遠

將孔有德耿仲明為先鋒大殺掠上恐來春復犯邊議增

兵築堡左副都御史陳贊化趨對以疾止

戊戌錢中選為總兵官鎮保守定

戶部類報兩淮鹽課崇禎六年以前積虧二百餘萬巡鹽御史所以有分別議處之旨蓋准課在天啟五年新舊額銀止

七十餘萬崇禎三年加至百二十一萬有奇四年加至百三

十萬有奇六年加至百五十六萬有奇因列各官虧完之數


程其功罪

歲星連犯執法

國權

崇禎九年


七九





天狗星見豫分

御覽加派冊共二百九十九萬三千七百九十餘金工部分
用九萬不與焉山東之島餉五萬十五萬五千七百五十餘
金不與焉浙江加派銀四十二萬二百七十二兩八錢江西
加派銀三十六萬一千三十六兩一錢福建加派銀十二萬
八百二兩五錢河南加派六十六萬七千四百二十一兩五
錢山東加派五十萬五千七百五十七兩陝西加派二十六
萬三千六百五十一兩四錢廣東加派銀二十三萬一千一
百七十八兩南直加派銀三十八萬一千八百三十五兩九

錢鳳陽撫屬加派銀二十七萬六千八百八十五兩四錢北
直加派銀先奉旨蠲免外延慶州加派銀九百五十三兩四
錢保安州加派銀二百七十四兩二銀錢






國家圖書館, NATIONAL CENTRAL LIBRARY, TAIWAN, R.O.C.



Vertical text columns on the right page, including '國立中央圖書館' and '中華民國二十六年'.




Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007



Blue	Cyan	Green	Yellow	Red	Magenta	White	3/Color	Black




國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



3393438 v. 55

國家圖書館, NATIONAL CENTRAL LIBRARY, TAIWAN, R.O.C.





國權

崇禎十年丁丑

正月辛丑朔日食免朝賀

甲辰常熟張漢儒許奏前禮部右侍郎錢謙益蓋怨家嗾之

也疏上溫體仁修却命逮之

丙午寇掠懷寧趨桐城

丁未進洪承疇太子太保


己酉余應桂為右僉都御史巡撫湖廣陳良訓為右僉都御

國權


崇禎十年

一

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.



史撫治鄖陽初撫治鄖陽苗昨土撫賊、陽聽之時往來城
市間縱賊北渡陷孝感縣

程國祥為戶部尚書

御馬太監李名臣提督京城巡捕王之俊副之

壬子浙江江西湖廣左布政使姚永濟朱之臣曾道唯蘇州
知府陳洪謚揚州知府韓文鏡淮安知府周光夏各逋賦奪
官視事勒限完復

丙辰工部尚書劉遵憲因培築京城上加派輸納事例
吏部彙薦邊才

庚申溫體仁考滿進左柱國廕中書舍人

流賊東奔犯宿遷太湖

二月癸酉先是禮部右侍郎姜曰廣署翰林院事曰京察

李明睿坐免怨曰廣發其私札命曰廣回奏


甲戌司禮太監曹化淳提督東廠

黃錦王錫衮為左右庶子

乙亥以河南寇蔓命巡撫孫傳庭同總督王家楨經理及總

兵祖大弼合四川兵剿寇于漢中

大學士張至發孔貞運主禮闈



丁丑寇掠安徽潛山縣官兵擊敗之

左良玉敗賊于安徽舒城六安連戰三捷賊竄英山分營山險張國維檄良玉搜勦驕蹇不奉調逾月擁降丁萬人婦女數千所至焚劫邨集為墟始自舒城進發賊已飽颺矣

遣朝臣趣各省通賦 少卿倪成章往四川禮科給事中


荆祚永往山西王志正往湖廣兵科給事中汪耀往浙江傅鍾秀工科給事中張元始往江南

庚辰逮巡按山西御史張孫振孫振貪污不職先誣袁繼成山西丙子貢士衛周祚等奏其寃

壬午吏部尚書謝陞罷以文選郎中劉廷諫驟遷 被詰

委罪廷諫 上切責之

丙戌禮部磨勘鄉試貢生路先斗凌雲翔龐挺除名梁侃文煥奎益長庚葉蘭王明相甯雲鳳鄭世芳各罰科覆試分守津通臨德專理淮揚鹽課太監楊顯名叅前巡鹽御史張優侵課四萬七千餘金高欽舜侵十五萬七千餘金詔逮養欽舜養先卒下撫按錄其家時兩淮運司徐大儀也楊遣內使入解舍檢其橐問夫人安在見一婦布衣或指曰此夫人也內使驚揖盡出其篋止十二金共嘆曰安有運長清至此乎



因攜藍課冊而出初天啟丙寅陸世科巡藍兩淮侵冒二十萬顯名按冊太息自世科後皆可論徘徊數日曰去其太甚遂劾養欽舜

三月庚子朔先是奸人陸文聲詭陳風俗之敝皆原于士子士子皆以復社亂天下蓋太倉庶吉士張溥前臨川知縣張采倡復社海內靡然趨之事下南直提學御史倪元珙元珙奏社有之非有把持武斷之跡上責其蒙飾俾更覈元珙不屈已降光祿寺錄事元珙雖謫言閣臣分曹擬旨無主名有所迓責請令各疏名使明主得因事考其能否執政擬詰責

上竟從之

甲辰袁鯨為左副都御史王之良為右僉都御史巡撫南贛汀韶

乙巳田惟嘉為吏部尚書

辛亥叙各邊臣功進溫體仁太保廕中書舍人張至發孔貞運賀逢聖黃士俊並加太子太傅兼文淵閣大學士廕各入監


徐鑛益國祚為大理左右少卿

建十餘萬騎破朝鮮國王李倧走澤村山城于是平壤王

國權

崇禎十年

四



京皆陷^李倭力詘降又走江華島世子見執更立李湜為朝鮮國王

命搃兵李冬魁陳洪範並在皮島冬魁所部一萬二千五百人戰艦少洪範兵八千戰艦不及百命相杌赴援朝鮮

設遷曰李倭篡臣卒亡其國天若假手于建也然東藩素怯弗競于武我方絀于胡寇方有未繕從并救人難之難矣噫昨歲收種漢今歲收朝鮮左右安牧而我得處堂之安厝火將及柰何不深自危也

進 朱守義太子少保

癸丑真定大風霾


甲寅廷策貢士吳啟貞等三百人于建極殿賜劉同升陳之遴趙士春等進士出身有差初體仁首擬之遴上乙之戊午江西南昌貢士程元極以五經乙榜求做顏茂猷例特拔不許

己未吏部奏司官久任畫一之法從之

壬戌太常寺卿李日宣為兵部右侍郎出鎮昌平州仍加俸

一級

癸亥巡撫雲南陳必謙削籍



乙丑莊欽鄰為南右都御史路升為南大理卿周汝弼為右副都御史巡撫延綏汝弼望淺賄田唯嘉得之

戊辰予故大學士朱延禧祭墓贈太保

已已故

史記言贈光祿少卿故

王誠心贈國子

學錄故

姚良弼張敏行並國子助教

摠兵陳洪範報東援朝鮮

黔國公沐天波加太子太傅

流寇東掠

黃隨

四

月

庚午朔命南京守備太監張雲漢同兵部尚書范景文及

南和伯方一元

伯陳光裕清覈兵馬械杖

吏部尚書田維嘉確覈本部司官在籍擬改用三人姚昌錄

楊廷治梁應材擬老疾致仕三人周家春徐天衢胡權擬外

轉五人馮時來李白春李時冕邢大忠呂大器擬留用十七

人劉應賓衛光範景晏清陸慶稷龍文光林胤昌孫昌齡柴


挺然孟兆祥錢元愨王杼盧化鰲郭都賢耿鳳樓康運泰張

羅彥張明熙

馮可賓為太常少卿傅永淳為太僕少卿

兵部左侍郎王業浩言臣鄉劉伯淵嘉靖

進士今年百



歲命下有司優禮

兵科給事中宋學顯貴州道御史張盛美俱例轉湖廣河南
叅議于是撫寧侯朱國弼劾溫體仁私唐世濟逐兩御史命
府部議處國弼

壬申建 自雲從島入皮島副總兵白登庸先遁提督陳洪
範西走

癸酉建 五萬至缺山屯駐招皮島總兵沈冬魁不聽

乙亥陝西道御史張應昌上言今日之急務莫如撫民休蓋

自胡寇發難以來天下騷動徵餉几無寧刻且連年旱澇斗


米至數百錢之多此創痍之時有司借口脩城罰磚罰灰借
口備戰具罰鈇其催徵本身已納或代族人或代隣右不應
酷拷一二乃遺之民寧堪此乎今休養之術無過省刑薄斂
乞今殘地停訟不得濫罰科派尤望蠲逋招移復業將見熙
穰如昔也

薊州雷火焚東山二十餘里

丁丑故工部尚書姚思仁卒字

浙江秀水人萬歷癸未

進士授行人擢御史歷今官加太子太傅致仕卒未存問尋
追坐陵工削籍年九十一



戊寅建 陷皮島建 同孔有德陸攻耿仲明尚可喜水攻
再晝夜西渡我兵戰敗副總兵金日觀死之沈冬魁即焚倉
粟攜家登舟走于石城島陳洪範亦自廣鹿島至

設遷曰官軍不即拯朝鮮并皮島失之則我遼將為之先
驅也諳水戰習地利于是無堅不瑕夫自毛文龍銜士心
不固如陳洪範協救併力襲其後庶不全陷而竟無如其
孤注何 完

己卯吏部奏請故吏部尚書房壯麗邱典謂逆案不許
余煌為左春坊左諭德

甲申復張鶴鳴原官

乙酉撫寧侯朱國弼復劾溫體仁受霍維華之賂令唐世濟
轉薦 上不聽

故南兵部尚書衛一鳳贈太子少保詹監

故巡閱御史楊四知贈太僕少卿

丙戌黃起有為司業周鳳翔為南司業

丁亥常自裕為南太常卿


戊子 李明睿削籍

己丑故大理少卿梁天奇贈大理卿

國權

崇禎十年

八



庚寅兵科都給事中凌義渠劾總兵官左良玉東援舒城縱兵淫掠宜戴罪自贖命下總理回奏

辛卯起王命濬大理卿鍾价為吏部左侍郎李玄為南戶部右侍郎總督糧儲

癸巳溫體仁奏辨以宋學顯例轉見攻 上慰答之

以旱蠲論清獄發帑八千金賑昌黎易州

乙未王觀國為都督僉事總兵官鎮守湖廣

戊子史堃熊奮渭為左右通政李覺斯為順天府尹

總監太監高起潛行部永平道僉事劉景耀閩南道僉事劉

于國俱不屑隅入屈膝求免疏上謂總監原以總督體統行事罷于國降景耀二級寧前道副使陳祖苞事起潛甚謹

楊士聰曰監視之設止多一扣餉之人監視之欲滿則督

撫鎮道皆有所恃矣故邊臣反樂于有監視功易飾敗易


掩也 上性多疑多^有監視又有視監視者多一人有一人

之費窮邊士卒何不幸至此

閏四月己亥朔撫寧侯朱國弼又論溫體仁行私不聽

設遷曰文武異任朱撫寧越局數上書以日者糾魏忠賢

藉口耶抗 不已謂譴重亦于帶礪亡恙至排及昂軸犯



尚口之戒李西平所不施于張延賞者撫寧冒為之又衰

季勳閥之一變也

禮部請豫定謁陵大典命侯十三年行之

故安徽潁州知府尹夢鼐贈光祿少卿

庚子起商周祚為左都御史

壬寅熊文燦為兵部尚書兼右副都御史總理直隸湖廣河

南四川山西陝西軍務督剿流寇杜三策為兵部右侍郎兼

右僉都御史巡撫天津起淑訓戶部右侍郎提督直省剿

寇糧餉

甲辰故兵部右侍郎史永安贈兵部尚書

乙巳河南道御史許自表劾溫體仁大奸似忠大佞似信凡

其肆螫同官一網一善俱修怨營私未嘗為朝廷用人起見

上怒降上林苑監典簿


故謝肇玄贈太常少卿

戊申諭百官求直言工科給事中李化龍言甚切謫外

命騎射取士

庚戌錦衣衛都指揮使徐本高進都督同知

壬子御史陳廷謨論薊鎮激變王應豸喻安性之罪有旨應



身已逮下部院議處安性

新安所千戶楊光先劾吏科給事中陳啟新及溫體仁昇棺
自隨 上怒下刑部獄廷杖戍遼西

癸丑頒小學天下

山西武鄉沁源大雨雹最大者如象次如牛


乙卯楊嗣源上均輸事例

丙辰鄭三俊改刑部尚書張鏡心為兵部右侍郎摠督兩廣
軍務

庚申司禮太監曹化淳同法司錄囚


故左都御史唐世濟成邊溫體仁于鄉人特善世濟及御史
吳振纓俱不能救

甲子刑科給事中李如燦言今日之旱殆非尋常災異也黠
夷夥寇馮陵盤噬十年所矣天下財賦之地已空其半而渴
需財賦之事猶不止僅望其全又值此驕陽赤地吳越楚豫
燕齊之間不知几千萬里是所未盡空者殆將併空矣臣日
夜思維天心降鑒惟皇心用極可以默回則有執中之說在
自大廷以至深宮目無偏視耳無偏聽心無偏主事無偏持
無偏則無危可以轉禍可以合睽天下最苦不足至于斂怒



干和。非財用乎。財用別無足法。特有政事。國朝酌軍民之經制。千古稱善。後之變法者。不念下民。卒瘁但云急當治標。自軍不用而兵設。民始不得安其身。自屯不耕而餉興。農始不得有其食。自有兵不練。輒又增兵。而餉愈難措。自有餉不核。輒又添餉。而兵愈得冒。即今核實之使四出。而抽剋兼噬。屢聞清派之令。日嚴。而占軍冒兵未減。可謂有政事乎。若不亟簡公忠幹辦之臣。求力清核。以救其弊。協求長便。以復其初。竊恐斂怨干和。當又不止。如今日者。願皇上長慮之也。若國家忠賢。寔為元氣。元氣薄則邪氣襲而成病。忠賢挫則鬱

氣結而干和。乃今何如也。催科迫而廉惠不污者。輒蒙禁訊矣。法網密而百慎一疎者。動遭波連矣。告密開而高門輒罹妖謗。端士難免含沙矣。叅劾訛而清修輒被讒斥。賍陷長呼獄底矣。又忠直盡言。如呈濶詹爾。選李化龍。劉宗周等。皆以一鳴輒斥。致言路括囊。元氣挫斃。今下詔疏滯。求直言。無獄容再贅。獨是直臣所繫更重。所得寔難。皇上倘赦其前愆。收之左右。則君過聞。朝廷壯。其為直言不愈多乎。若夫輔君德。搃庶官。尤在相矣。中外安攘。賴其決策。祖法朝綱。兵權國體。賴其匡正。今俱泯默。未有聞也。此瞻彼顧。依樣葫蘆。扶陽



抑陰未忘偏黨。蓋自八九年間。拂戾干和之事。始于揣端。積于四海者。不知凡許。又何怪天旱地折。日食風變之屢見哉。皇上而求銷弭。政本之地。猶不可不深惟之也。上怒。責汝燦。回奏下獄。

乙丑工部主事朱國壽劾陳啟新。欺君辱國等罪。不聽。下吏部處國壽。

丙寅許寧遠伯李成梁後世襲


設遷曰李成梁起家于塞下。歷効行間已四十餘年。積級踰萬。寔東陞之干城也。朝貴一二少年不習掌故。聞其富

溢輒事改索。不曰跋扈。則曰冒濫。夫前而寧晉之劉撫寧之朱功遠。出于成梁下。成梁沒。以諸子如柏如楨。隕其家聲。先帝續封。式怒蛙求故劍。噫。獨不得與之同時而用之哉。

巡撫陝西右僉都御史孫傳庭以清理軍屯致屯卒大譁。尋免官。

丁卯刑部尚書鄭三俊加太子少保

左春坊左中允黃道周言。天下災祥繫人主之喜怒。人主喜怒繫天下之安危。古之聖人喜氣行于臣隣。則臣隣興作。怒



氣行于邊鄙則邊鄙廓清詩有之曰君子如祉亂庶遄已君子如怒亂庶遄沮君子之喜怒皆以撥故爭于其大而不爭于其細今大猶不爭細故是兢朝無一可喜之臣則臣一無可喜之事邊無一敢怒之氣則亂終無遄沮之日威順反施貴賤倒治是以奸昏互煽叛逆蜂起四方潰決漸不可收亢陽之極至于旱災而大小諸臣工猶結舌不語而使陛下焦勞于上百姓展轉于下諸臣括囊其間稍有人心者宜不至此也

五月戊辰朔夜燹惑與日同參九度又朔夕合伏


己巳都督同知陳國威為提兵官鎮守薊鎮中協馬蘭喜泰等路

辛未吏部右侍郎姜日廣擬調

起李待問戶部左侍郎謝文錦兵部右侍郎魏炤乘工部右侍郎

乙亥起章光岳刑部右侍郎

丙子兵部尚書楊嗣昌薦前提督薊遼傅宗龍巡撫宣府陳新甲及張伯鯨李棲鳳李邦華劉澤源方孔炤李繼貞俱可佐樞 上是之下吏部酌用



蜀南陽通租

壬午烏兵殺監軍道副使黃孫茂副總兵白登庸走降建下
時建下封孔有德恭順王耿仲明懷順王尚可喜忠順王麻
雲登催糧草使

癸未逮 浙川知縣孔貞芳典史袁一貴以前城陷也

丙戌陳祖苞為右僉都御史整飭薊州邊備兼巡撫順天

丁亥武昌進士鄔明昌上言臣祖必信生嘉靖戊戌今年百

歲命賜冠帶粟肉後戊寅卒

戊子領中軍都督府崇信伯費天澤等劾大學士溫體仁欺


擅不聽

已丑前刑科都給事中傅朝祐等請行寬惜之仁劾溫體仁
六罪 上怒下之獄

命吳阿衡為兵部右侍郎兼右僉都御史總督薊州遼陽保
定軍務

前蘇州推官周之夔許奏太倉廩吉士張溥前臨川知縣張
采倡諸生復社樹黨挾持茶漕政逐上官章下所司

設遷曰漢錮私黨宋禁偽學二季一轍觀于今日尤為異
之諸生治經術雖同志不數人而止俄締大社飛書徵義



春坊左庶子

六月戊戌朔熊奮渭郭建邦為左右通政

予故大學士劉一燝祭葬贈少師

史堃為太僕少卿

庚子故

區大倫贈南戶部尚書

戊申溫體仁引疾免贈金幣遣行人吳本泰護歸體仁在事諸臣攻者後先相繼皆以門戶異同非盡曰國家見起而體仁不納賂雖庇私黨排異已未嘗有跡但回事圖之使其机自發而上不疑也


國權

崇禎十年

共

千百相招聯合京省狎盟時貴應舉之文輒剽涉國事訖切當路坊刻充棟評閱如市其俱語忠孝其指俱廊廟問其人狙雜烏合非向火乞兒即黃口乳臭也此乃漢宋之所羞稱者實不因太倉始至太倉易為標榜字內爭奔走焉周之夔去郡自速于戾不盡由太倉當時撫按白簡謂因其目青而之夔非目青者猶吹人彼固悍吏諸君子獨不能少容之乎哉


丙申黃道周為左春坊左諭德兼侍讀署司經局事陳演姚明恭為左右庶子文安之華琪芳為左諭德楊汝成為南左



夏允彝曰叔卜一事錢謙益必欲首推而溫體仁首發難
端與滿朝為仇勢不得不自結于 上前救一人爭一事
上殊信其公忠而天下元氣凋殘盡矣其操守能自勵故
上始終敬信之然與盧杞之清忠強介因其倫也周延儒
再出頗反溫之所為而操守濫甚敗壞國事實在兩人而
竇東林過激以致此遂至天下左衽痛哉

唐大章曰體仁之入相以摘發錢謙益浙闈賄中故進始
已不清矣值聖明英發憤廷臣之苞苴止狀力行搜剔體
仁以殘刻輔之圓扉之內候訊追比繫 趾相屬者千餘
人雖諸臣之自投法網亦盛世之不樂見也絲綸擬票一
日之內定有數條議遣議配之章朝宁之章人 重足回
視 神廟悠裕靈長之景真天際矣逢時蠱塞揆地之德
固未光弘隆兩朝一奪一予亦未得通論也

設遷曰烏程當國天下同舌而詆之曰權曰奸夫權則擅
威福奸則專傾險 先帝能容之乎時尚嚴急彼亦慄
救過之不暇反因嚴急以固主心深械密机伺隙下石自
佐政以來緹騎四出邊徼潢池無月不警漫無一畫彼直
以墨吏飢氓憤然羸卒膜外真之惟修却鈎黨之是慮知



道路側目勢不得中苞直而家監門客亦不為馮子都董
庭蘭之污黷故日以權奸不受也即主上亦不為信也其
後冝興之汰并研之鄙師烏程而過之而蚌自烏程始神
州陸沈誠擢髮不足數其罪也

吏部推閣員劉宇亮邱瑜傅冠李建泰姜逢元黃道周王鐸
方逢年蔣德璟田惟嘉商周祚

己酉都督僉事虎大威為總兵官總守山西

戊午劉澤清加太子少師左都督

吏部再推閣員如前益以顧錫疇姚明恭


庚申故刑部尚書馮英以輕擬鄭鄴成邊

辛酉予故禮部尚書董其昌祭墓贈太子太傅

壬戌故 郭永固贈光祿少卿
甲子考選各官丁允元王都為戶禮科給事中劉希伯為南
京 道御史

丁卯寇犯廬州佯攻城陰趨全椒六合
安南都統使黎維祺入貢

山東河南大蝗蔽野斷青民大飢
七月丁卯朔劉宇亮改吏部左侍郎張福臻劉澤深為兵部左



右侍郎添設

己巳陳睿謨為右副都御史提督偏沅軍務巡撫河南湖北
史可法為右僉都御史協理剿寇軍務安廬池太兼轄光蘄
固始廣濟黃梅德化湖口等縣時創設晚撫募兵萬人餉
二十三萬有奇

太監高起潛言前屯民人劉松生女面在于頂耳尖臂毛手
足不全

太監曹化淳并廢至左都督世龍錦衣衛指揮僉事

丁亥寇陷南直隸六合縣圍天長縣

辛卯刑部右侍郎朱大啟致仕

戶科給事中辛朝薦：故禮部右侍郎陳子壯故禮科給事

中魏呈潤 上責其濫舉

余城為南太僕卿

左春坊左諭德黃道周回奏並救鄭鄮 上不問吏部主事
熊文舉言道周清直博聞宜備顧問不聽

河南寇自潼關入犯陝分州餘分掠永寧鄆西浙川南陽上


蔡西華

八月丁酉司禮太監王之心提督東廠

國權

崇禎十年

十九



己亥長興朱國賓許奏朱謙為長興朱汝器子非故大學士
朱國植之子以子國植子中書舍人紳受賄鬻其廕也章下
所司

建市西下馬


戊申寇入鳳陽恣掠械器而出渡河分往河南泗州中丞
內邱王敏鐘詣闕乞恩且請朝以越閩違制責之送會同館
已酉寇掠虹縣睢寧

都督王忠成邊

吏部左侍郎劉宇亮為禮部尚書薛國觀為禮部左侍郎兼

東閣大學士

工部員外郎駱方壘謫外方壘言 皇上親擒魏忠賢而手
刃之豈溺情闇豎者不過以外廷諸臣無一可用而借才及
之况人臣感激聖恩苟知報答何論內外皆可自盡每見廷
臣處地懸絕情多未達更不若宮庭勢御果能勿欺自矢名
節自修効忠更易造福倍弘矧茲內臣徼此曠遇亦孰不欲
捐棄踵項以酬我 皇上者哉 皇上善用中官故中官為
皇上用然則以前用中官覆轍者皆可不必鯁 為 皇上
過計也刑科給事中何楷駁其通內呈身吏部請削其籍故



謫之為江西按察使照磨

癸丑禮部請皇太子出閣就學許之擇明年二月之七日丙辰先是南史科給事中曹景參極言去輔溫體仁耿介孤行苞苴不入工科給事中傅元初劾景參巧言黨奸

李夢長為太常少卿黨崇雅為太僕少卿轄京營工科左給事中劉曰俊言夢長欺君陷友公論不平

戊午吏部前推閣員及左副都御史袁鯨上林苑監丞孫三杰劾鯨方魏忠賢時以御史加太僕卿近又附溫體仁庚申上登正陽門閱城徧視雉堞樓櫓總督京營成國公


朱純臣協理京營陸完學以營兵屯宣武門外上善之召

登西南城樓觴之三并金爵賜之

辛酉閱城外以南城薄議培之命內官監太監丁紹呂馬光忻總理分築濬大濠于五里外壞塚墓以美工未竟而止東西北無城不之問

癸亥前張漢儒等訐奏錢謙益瞿式耜也謙益下刑部獄几死謙益嘗作故太監王安祠記司禮太監曹化淳出王安門憤其寃發漢儒等陰謀立枷死

九月丁卯張獻忠東掠徵儀縣揚州告告命督理太監劉元斌



盧九德選勇衛萬人往

駙馬都尉齊贊元奏工部尚書劉遵憲不給瑞安長公主墳
價上以墳價當候旨頒給不問

大學士劉宇亮薛國觀入直


戊辰壽寧大長公主薨

已巳閔寧太監高起潛言建下謀入犯有奸謀四五十人衣
髮如漢專探內地

庚午章光岳劉之鳳為刑部左右侍郎常道立為右副都御
史巡撫河南

刑科給事中王都叅章光岳官通政許逆案疏辨封進又行
人宋佳胤御史時請吏部以逆案枉者一臚告吏部覆光
岳引退佳胤免議都遂糾尚書田維嘉當王光永借題邊才
引用匪人之日唯嘉爭先應募即薦楊維垣賈繼春而光岳
遂薦呂純如霍維華傅魁徐揚先虞廷陞葉天陞賴聖明獨
斷有逆案奉旨方新居然薦用成用政體而後群奸屏息夫
唐世濟應喜臣薦一人而被逮則薦二人薦六人為何如也
明日召廷臣示疏唯嘉諭以秉公盡職毋辨

辛未兵科給事中錢增言建漸駐瀋陽貪內地財物防邊



之局不止防秋己巳入犯非隆冬乎防海之局不止防登萊
今已破朝鮮保無勾倭乘風四掠乎彼以海為虛聲而或懈
我各邊之臣城守彼以邊為實着而或乘我沿海之疎虞所
謂必防其隙也

癸酉累叙寧夏戰守功臣洪承疇廕錦衣衛千戶故摠督楊
鶴贈太子少傅故摠督賀虎臣贈都督同知馬化龍贈太子
太傅餘有差

庚辰叙禁旅功進陸完學太子太師餘有差
兵科給事中孫晉以禁旅出剿專請大臣督師不許


乙酉左副都御史袁鯨免

戊子董羽宸為左副都御史徐鑛為左僉都御史張紹先為
通政使

辛卯戶科給事中葛樞以 熹廟實錄十年未竣因劾副摠
裁禮部右侍郎朱繼祚前預修三朝典要公論不容去輔溫
體仁引入 上不問時 神廟實錄告成侯 熹錄并進

癸巳李自成陷寧羗州

孟國祚范復粹為大理左右少卿
故 程紹贈工部尚書予祭塋



是月中旬每晨暮天色赤黃名曰日空主兵

十月丙申李自成自七盤關入西川初自成攻漢中搃兵曹變
蛟兵從雞頭關夜入漢中賊不知也翼日守陴寂然誘賊至
城倏樹幟發炮矢石交下賊策馬而逃曹兵踴躍殺出射自
成馬死裸身涉水而逃

丁酉寇入四川朝天關

戊戌倪成章為尚寶司卿

寇屯廣元

己亥寇入二郎關

壬寅寇陷昭仁塾江

癸卯寇犯劍門關

甲辰陷劍州

乙巳陷梓潼黎雅叅將羅于莘敗賊于廣元賊自梓潼分為
三一走潼川一趨綿州一入江油遂陷彰明益亭諸縣


戊申寇擁衆入趨綿州江油等處薄成都府巡撫四川王維
章次保寧不援

己酉先是故左都御史高攀龍三代贈誥呈覽未下遽登軸
命中使取入越日詰誥文褒崇諭禮誰所撰則日講官許士

國權

崇禎十年

五



柔 及攀龍子刑部主事世學蓋誥勅文呈覽既下始


登軸又贈誥出中書舍人世學以曾經覽預登之命責中書
科泄稿署印中書舍人王重對以近例命降級士柔世學重
並降贈誥竟寢後禮科給事中何楷引萬歷時兵部尚書王
崇古誥誤例以請得補給

宋賢為右僉都御史提督鴈門等官巡撫山西張第元為太
常少卿

庚戌南兵部尚書范景文劾南兵科給事中荆可棟婪虐命
逮之

李自成逼成都府王冠附之巡撫王維章畏不出戰

甲寅備東宮官屬禮部尚書姜逢元詹事姚明恭少詹事王
鐸祭酒屈可伸侍班禮部右侍郎方逢年右諭德項煜脩撰
劉理順編修吳偉業楊廷麟林增志直講讀編修胡守恒檢
討楊士聰校書制勅房尚寶卿兼司經局正字朱國詔禮部
郎中黃應恩侍書故事校書非詞林時元臣張至發未諳掌
故也越數日項煜楊廷麟各先後讓左諭德黃道周閣揭謂
道周意見不無少偏近日疏三罪四耻七不如如有不如鄭鄆
等語夫蔑倫杖母明旨煌煌何如人而自謂不如是可為



元良轉導乎刑科給事中馮元飈薦道周忠足以動聖鑒而不能得執政之心恐天下後世有以議閣臣之得失也

丙辰賊焚郟縣

起顧錫疇禮部右侍郎

故 龔茂華湖北按察僉事

十一月乙丑朔 上召廷臣于平臺

已巳夜太白在析木宮尾宿初度七十三分

已卯夜木火二星同亢宿

庚辰夜月食諭群臣修省求直言

徐石麒為應天府丞

司禮署印太監曹化淳提督京營太監李明哲提督五軍營

杜勳提督神樞營閔思印提督神机營孫茂霖分守薊鎮中

西三協鄭良輔總理京城巡捕


庚寅本兵楊嗣昌請限剿寇之期令陝西巡撫斷商南雒南

鄖陽巡撫斷郢西湖廣巡撫斷常德黃州安慶巡撫斷英山

六安鳳陽巡撫斷潁亳應天巡撫仍堵潛山太湖江西巡撫

堵黃梅廣濟山東巡撫堵徐宿山西巡撫堵陝州靈寶保定

巡撫扼渡延津一帶然總理熊文燦提邊兵太監劉元斌提



禁旅河南巡撫率左良玉陳永福等兵合剿中原從之

左都御史商周祚言各御史差規原有定序先中差後大差先舊官後新官大不再大中不再中兩京大差及各掌道俱俟兩差之後此向例也近差多人少未免以差待人予是一新一舊惟視差定而先中後大與中大間差之例遂不能拘前任都御史奉諭申飭七年定例今欲法歸畫一如依中大不再之例雖均勞逸第恐人不遇差則以人候差不遇人又懸差候人若提後置前又人情不平夫莫非王事何論中大宜仍一新一舊允差以到任一年為準序到即注其報代


遲速或有徇情游移槩置不問業奉旨允行臣竊謂差不論中大似矣然南北兩京畿三提學及京營順天巡按名曰老差斷不宜新人必資深滿三差或經大差方勝此任仍照七年定例任滿日任差但摘京畿等七差坐舊其餘統中大而一之向謂北人不闕廣南人不三邊槩不必問上從之

癸巳寇陷安徽靈璧

甲午土水二星同度水星在南五度四十三分占曰敵勢

縱橫將權未一

安慶保舉諸生蔣臣言閣臣張至發孔貞運會試錄文沮抑



辟薦請閣臣自簡舉政改正毋壞祖制又輯皇明薦舉攷皆
實訓諸書採集成帙通政使張紹先等以疏上其薦舉考事
繫陳言候命封進有旨實訓稱繫陳言殊欠敬慎議處紹先
等原書進封

張自烈曰攷六書陳音臣列也商書微子我祖底遂陳于
上是也又久也盤庚失于政陳于茲是也又舊粟也詩我
取其陳是也又敷告也孟子陳善閉邪史記箕子以洪範
陳之是也又祖訓云官員士庶人等上書陳言大臣才德
政事者要鞫問情由又大明律云內外大小官員許令明

白條陳所謂陳言條陳猶敷陳奏陳之類非陳腐等語明
甚向令通政曰書繫陳言則是陳腐之陳忽玩實訓且坐
不敬今但曰事繫陳言則專屬蔣臣上書而言與敷陳條
陳蓋同語義甚明閣臣一覽而知若之何妄指條陳為陳
腐也或曰閣臣忌蔣臣攻已因遷怒通政明知不可欺天
下姑以為紕通政耳


十二月乙未朔日食占曰日食丑鎮星會焉月字計都纏焉主
江淮水土之災東夷君長之變

辛丑戶科給事中丁允元劾大學士賀逢聖凡疏揭輒驕人

國權

崇禎十年

天



謂我為之專事口角輔理當不若是如汪應龍宵人而逢聖
曾推之高攀龍左光斗業蒙聖鑒則又斥之是非顛倒如此
上不憚謫福建按察使照磨

癸卯召閣部于文華殿以憲綱書授吏部尚書田唯嘉命申
飭永遵

乙巳戴東旻為右僉都御史撫治鄖陽初兵部欲裁鄖撫兵
科都給事中凌義渠爭之

命洪承疇合孫傳庭并剿河南寇

吏科給事中劉含輝言秦中開採非便不聽

太監謝文舉分守昌平宣府


丙午起王一中光祿寺卿

戊申黃道周黃錦為少詹事錦清理錄黃

起方孔炤南京尚寶司卿

辛亥左都御史商周祚言責成巡方四事民心宜固備禦宜
飭欽賑宜酌營委宜禁從之

癸丑罷禮部尚書姜逢元兵部尚書王業浩先是吏科給事
中陳啟新疏論考選有旨指其實又進吏部訪冊而逢元業
浩獨圈多上嫌其濫啟新遂叅涇縣知縣尹民興江都江



知縣顏亂浩及湖州知府陸自嶽俱降

乙卯陳演為祭酒王錫衮為南祭酒孟國祚為太僕卿

戊午中書舍人陳龍正鑄二級降南國子監丞去年龍正分

考北場借行人胡江擬題一帙後貢士胡維宇磨勘除名江

降副考官閔仲儼降右贊善又陳啟新劾解元馬之驪

主考黃起有奏辨吏科無衡文之責啟新非衡文之人上

塗吏科句謂覈字不雅罰馬之驪四科

廣西思明州黃日章等殺土官黃國鼎

辛酉進外戚田弘遇太子太保左都督

壬戌改太監鄭良輔內直以馬雲程總理京城巡捕

甲子起林欲楫仍禮部尚書劉之鳳張承詔為刑部左右侍

郎惠世揚為南大理卿

總督宣大山西盧象升上言剿寇需兵用兵需餉此恒理也


今日兵少而寇多兵飢而寇飽兵勞而寇佚日復一日年復

一年愈剿愈多生民塗炭已甚事至此不得不用權宜矣臣

有阻寇疑寇亂寇之法一立寨團築濠塹以阻寇一奔徑道


雖多每州縣遠近必由之路近山險則立寨村落則聚團寨

必有泉可汲并擇其峻隘團必大村鎮圍深濠布密築牛



馬墻其近團路徑以荆棘樹枝木石壘斷張毒弩于內是謂
阻寇一挑鄉勇設游兵以疑寇。每股雖號數萬婦女老弱
半馬不過恃積強之勢以拒官兵擁眾依山伺我遠近悉我
虛實疲我師徒有法焉募鄉民勇敢者有司時犒賞鼓勵使
其父母妻子安置寨團或遠避他所止留敢死百餘人多則
數百人各持棍斧長槍短刀于高山深林偵寇來往多則避
之少則阻擊夜則銜枚匍匐或劫營或竊馬騾是謂疑寇一
收資糧斂頭畜以飢寇。依山為橫因食于民官兵追逐眾
寡勞佚飢飽之數相懸豈能必勝有法焉各有司單騎徧歷

鄉村允近城三十里鄉民亟以糧穀資財入城三十里外或
運山寨或入大村聚團固守牛羊馬騾雞畜等多收斂使無
所掠如資糧供寇軍法重治是謂饑寇。上是之但恐空言
無補。



國權

崇禎十一年戊寅

正月乙丑朔任邱清苑涑水遷安大城定興通州各官貪縱不法上內訪逮入責撫按不先劾為溺職近畿如此遠地可知下部院申飭

丙寅大學士黃士俊罷


戊辰日講官編修吳偉業言首臣張至發新猷方始故轍猶存其近辨溫體仁曰孤執曰不欺夫體仁當國有唐世濟閔

國權

崇禎十一年

一

國家圖書館, NATIONAL CENTRAL LIBRARY, TAIWAN, R.O.C.



洪學蔡奕琛吳振纓胡鍾麟參贊密謀又有陳履謙張漢儒
陸文聲驅除異已何得云孤庇樞貳則總理可不設而事敗
乃設狗鳳撫則鎮可不移而事敗乃移何得云執家富巨盜
孽子招權何得云不欺今首臣滌心改行以收實効臣何敢
議如其不然首臣亦何以酬主恩而塞輿望耶

五已已諭史館四人值召對記注仍閣臣閱進

崇 覈南直武進縣田額


故巡撫山東李懋芳追贖戍邊

國 辛未 上享太廟

戶科給事中楊鎮原言近來考選卓異既不肯授以計曹故
戶部多破甑任子充數致漏卮日甚乞俸滿望著徑轉計曹
庶辭清財理又久任六年為期精明釐剔徑轉京堂
命巡撫山東顏繼祖防盜徐宿摠兵年文綬防鳳陽倪寵防
河往來曹單尋以五營土盜謀引流寇會河南土盜程良才
起遂撤巡撫仍回曹單仍移倪寵于徐州

給鄭世子 冕弁二服各親王十年一易

兵科給事中凌義渠劾廣東提兵官陳謙通夷誘致十餘萬
金報聞



故

吳大朴贈山東按察副使

壬申光澤鉛山間有棋山妖人稱密燒香為記借無為教
謀逆丙子夜圍鉛山城分守湖東道林日瑞預聞為備旦擊
敗之搗棋山破散其黨

戊寅工科給事中傅元初請福建開海禁通市佐餉命部議
行之

巡撫遼東方一藻進兵部左侍郎

張四知為禮部左侍郎王鐸為詹事府余煌華琪芳黃景昉

為左右展子

禮科給事中韓源論詹事吳士元前纂脩要典難玷清班并

及余煌華琪芳不聽

時值考選發訪單科道加圈或至數十 上疑其情賄于是

給事中傅元初張第元房之騏韓源趙繼鼎馬兆羲俱削罰


孫晉林正亨王猷鑄二秩調用劉舍輝楊鎮原葉初春劉興

秀辜朝薦金蘭葛樞郭九鼎凌義渠何楷褚德培鑄二秩仍

任兵部職方主事

壬午 皇太子冠明日御殿受賀

丙戌吏部主事葛舍馨林中鳳來方熅下刑部獄先是福建



兵備副使曾櫻為鄭芝龍營陸浙江被緝命逮之未至芝龍
奏前銀係侄援監又列櫻治狀刑部免其入獄詞連舍馨奏
引方熹


戊子裁南京冗官吏部主事二戶部庫大使五兵部主事二
會同館大使二工部侍郎一主事三都察院御史七照磨一
通政使經歷一大理左右寺丞各一翰林院孔目一詹事府
主簿一國子助教二光祿寺署正二行人司副一宗人府經
歷一生藥局大使一共八十九員
癸巳蠲漢中逋租仍賑之

諭歷法仍遵會典行大統歷如交食經緯晦朔弦望許張守
登等旁攷推測

己丑檢討郭之祥請進士二甲以下盡任知縣推官如不歷
州縣毋補部曹不歷部曹毋改翰林科道庶部曹舉職科道
不皆由考選也

撫寧侯朱國弼奪爵仍襲

河南府推官陞安廬道兵備僉事湯遠開言 皇太子論學
不必遠有取法 皇上法祖 皇太子法 皇上足矣從來
言教不如身教諸臣以經史為開陳言教也 皇上以金玉



為模範身教也在見天心在恤民窮在優大僚在容大僚在
寬拙支在薄言利在疏滯獄 上是之


辛卯劉錡為右僉都御史巡撫遼東

壬辰李若星起為兵部右侍郎

二月乙未朔吏部尚書田維嘉以保舉試授知州五人知縣二
十一人州同知三人判官五人縣丞主簿各七人其不堪五
人罷之

秦賊盡屯川西洪承疇檄諸道兵嚴守要害賊乏食承疇以
川師誘之秦兵伏于梓潼伏發斬千餘級搃兵曹變蛟從馮

河小徑入蜀追至茂州大敗之生擒賊目二十人自成逃出
蜀匿于洮岷遂投西番于是馬科守河州祖大弼守羊沙崖
口曹變蛟深入西番：報自成從洮州逸去裨將金守亮偵
賊丙夜發兵追之昧爽大霧四塞自成遺男婦萬餘人率百
騎復逃潛身終南山月餘自陽平關仍入廣元曹變蛟率兵
亦至鄉民報自成適登山但山峰壁立官兵步上其顛哭聲
震谷悉誅之乃自成與田見秀谷英張能十七人碎布衣為
繩縋崖逸去奔鄖陽擄竹山杆子手結小隊
丙申城蘆溝名拱極城以內臣督役掠塗人受工民力為憊



名南門曰順治北門曰永昌甲申兩應其兆
已亥致任刑部右侍郎無錫嚴一鵬年九十巡撫應天張國
維請存問從之
諭兵部開採山西陝西河南部覆不便而止
壬子許政刑部尚書鄭三俊回籍
甲寅湖廣總兵官尹先民擊賊于衡州之黃巢嶺敗之
李自成初走蜀獨身入楚張獻忠不許至竹溪獻忠謀殺之
遁去乞憐于羅汝才得兵數千始行掠閩鄉
丙辰故巡按陝西御史錢守廉贈太僕少卿以其在陝西力

瘁卒也
西安大風霾
已未故太僕少卿鹿善繼贈大理卿謚
立祠故
崔繼律贈山西按察僉事故
耿之綽贈國子監學錄

庚申起吳姓兵部左侍郎熊奮渭巡撫浙江林贊巡撫廣西
劉令譽巡撫延綏俱兼右僉都御史
三月甲子朔范復粹補大理少卿

丙寅棟漢部目赤食等六十騎薄張家口講賞明日又二百
餘騎脅索恭將姜名武乞備之

